

广东通志

广东通志

廣東通志卷二百六十

甲子重刊

宦績錄三十

國朝六

朱之光

張萬言

賈棠

林文英

宗思聖

俱瓊州府知府

何澄

瓊州府節推

邱象升

瓊州府通判

金光房

瓊山縣知縣

吳翹

丁斗柄

俞參陞

俱澄邁縣知縣

李宏名

楊天綬

張文豹

唐瑜

王光燮

倪邦良

張奇

沈鵬俱文昌縣知縣

馬文駿會同縣知縣

田宏祚

江炯

黎元皞俱樂會縣知縣

劉承謨

李繩祖

樊庶俱臨高縣知縣

陶元淳昌化縣知縣

馬之驤

張光祖

徐濬

李維裕俱萬州知州

張鳳徵

李聘俱陵水縣知縣

于有義

梅欽

楊枝華俱崖州知州

謝賜履感恩縣知縣

慎淑仞羅定州知州

金芳羅定州同知

邱隅東安縣知縣

王鉞

冉德

史筆

俱西寧縣知縣

端木象震

連州理

屠洪基

郭升

熊兆師

裴振李

王永侯

毛之燕

王惺

潘元音

陳九叙

俱陽山縣知縣

洪承胄

張堯典

俱陽山縣教諭

吳道岸

康霖生

張化鳳

鄭天錦

俱連山縣知縣

鄭龍光

陸世楷

張楸

俱南雄府知府

李登鰲

南雄府推官

楊國棟

南雄府司獄

潘名世

白可久

陳旭

施其智

俱保昌縣知縣

于大猷

鮑復顯

魏琪

毛德琦

楊炳耀

圖爾兵阿

俱始興縣知縣

林德憲

始興縣教諭

王元樞

嘉應州知州

王吉人

劉廣聰

張琪

曹延懿

王時熙

黃埏

俱長樂縣知縣

莊應詔

施念曾

俱興寧縣知縣

劉駿名

何寬

李樟

鍾呂

李鄴

俱平遠縣知縣

薛世望

許良臣

俱鎮平縣知縣

國朝

朱之光浙江人順治十二年知瓊州府事撫字有方刑平政簡居官無赫赫之名而去後常見思祀名宦郝志元季兵戈四起鄉民逃竄承平以後流亡漸復兵弁畱鎮者擇民居之宏大者占焉諸田畝則爲先復籍者有焉訟田產屋宇者無虛日前守乏聽決術文案全集數千事之光曰民有屋已不得居而傲他人屋以棲身民有田已不得耕而糴

他人米以糊口訟之官官不能別其是非曲直奚
用長官爲也不一月盡剖斷之民之復業者數萬
戶鞠事未嘗假詞色事鞭朴民見之卽懷畏懼心
卽吐實勿敢稍僞飾以是得不畱滯云所屬地產
沉香玳瑁諸物守土者取以備餽遺之光悉爲榜
免其他德政多有可稱瓊人次其事成書名曰海
日澄光記以比宋增城崔與之巡視珠崖之海上

澄清錄云

海日澄光
記序畧

張萬言奉天人康熙二十六年由監生任瓊州知
府潔已愛民尤善教養民有懿行獎卹之以勸其
餘三十年嵯使議設瓊商配引加餉瓊郡環海竈

戶皆自剪鬻民甚便之黎人亦資口食設商則病
矣萬言力請議遂革是歲旱發倉賑饑民懷其惠

四十五年祀名宦

同上

賈棠直隸河間人康熙三十七年由歲貢生任瓊
州知府正已率屬決訟如流置義田濟孤貧歲饑
捐賑民賴以甦郡治苦低窪除道成梁以便行旅
捐俸修學宮輯郡志任瓊九年百廢具舉擢本省
鹽法道整飭鹺政通商恤民祀名宦

瓊州府志

林文英福建侯官人康熙戊辰進士五十四年由
郎署出守瓊州一切陋例捐除殆盡瓊隔海南土
子艱于應試文英當賓興輒捐俸金買舟以濟瓊

士感之俗信鬼惑禡祥親喪怠葬或至數十年文

英痛懲其弊風遂革舉祀名宦

郝志

宗思聖直隸大興人雍正五年知瓊州府仁惠廉

明民立祠海口以祀

瓊州府志

何澄直隸真定人舉進士順治十一年授瓊州府

節推時當兵燹瘡痍未復澄力以休養爲已任藩

府兵驕并橫市中穀帛芟蕩之屬強攫之嚙莫敢

攫澄扶其悍者民少安尙黎竊發澄領兵進討剿

撫並行黎乃受約束以治行最擢兵科給事中祀

名宦

郝志

邱象升字曙戒山陽人順治乙未成進士己亥進

侍講庚子三月以才堪外任調瓊州府通判去禁
近就冗散又涉炎海萬里冒風濤不測之險人皆
爲象升惜之而象升夷然旣之官道出徐聞縣縣
防兵以餉不至大譁城門晝閉象升且前諭之曰
我瓊州別駕也適自省會來藩司給餉且至汝曹
姑待三日則士飽馬騰孰與逆行千紀相率而受
赤族之誅乎吾勉爲若畱待餉至然後發耳逕叩
關入使者署弛裝臥士卒聞象升言遂解甲以聽
亡何餉果至官弁兵民泣拜於途曰公活我瓊倅
職司撫黎黎酋恃險遠數梗王化象升曰是不可
以文諭而惠結也密檄民兵簡其精銳自將以出

黎出不意皆大驚鳥獸散禽斬首亂數人餘悉懾
伏瓊賦舊越海解藩庫瓊餉復由藩司撥給往返
數千里兵民交病象升建議以爲畱瓊之賦餉瓊
之兵其事便遂著爲令至今行之平南王駐粵藩
人橫甚督撫大吏以下亡敢誰何者適檄象升攝
廣州海防事金某者尙氏壻也爲藩翼總兵官慕
象升名願納交象升亦深與相結久益狎乃乘間
說之曰公爲名藩上佐又貴爲王壻奉

天子命久鎮東粵民望公如父母今粵之奸猾不逞憑
藉藩下以良民爲魚肉而供其刀俎利歸此輩而
王及公等皆負惡名不佞誠爲公惜之金愀然變

色前請曰某闇淺慮不及此然且奈何象升曰是
易耳公誠聞於王廉渠魁數人誅之解散其黨一
洒藩下之恥粵民德王兼德公事在反手間耳金
起謝曰微公吾不聞此言於是啟王下令凡民間
被旗害者以告竟其獄論死者十人鞭三十六人
笞四十三人還民間田廬畜牧無算廣人大悅或
詣象升謝則曰此王之德金公之力吾何與焉尋
以裁缺之

命歸里

王士正
蠶尾集

金光房字天駟吳縣人順治己亥進士授九江推
官以廉明稱裁缺補知瓊山縣益勵清節議均貢

香黎人樂附鄰縣有欲以勦黎邀功者光房力寢
其事鎮兵譁噪單騎出諭之軍情帖然得無變卒

於官

大清
一統志

吳翹字羽三浙江烏程人順治十四年由進士知
澄邁縣精練吏治洞悉民情詳免紳士差米科舉
者助以路費革蠹役除盜賊平黎禦寇任五載與
兵事相終始安集百姓邑賴以安

瓊州
府志

丁斗柄寧夏衛人康熙九年由進士任澄邁令仁
慈剛斷禮士愛民除盜懲強省徭革耗畱心生聚
逃民復業黎徭向化行鄉約勸課藝重修邑志後
以不獲上官解組去士民涕泣送之

同上

俞參陞浙江山陰人康熙二十一年任澄邁縣聽訟和平折獄明允招集流亡創立義學卒于官士

民呈請祀名宦

瓊州府志

李宏名浙江仁和人順治十二年以舉人任定安縣廉靜慈惠申請豁免荒蕪田糧不肯虛報墾荒田畝實心愛民後以誑誤去民咸德之立祠祀焉

今入名宦

郝志

楊天綬江南海門人康熙五年由拔貢知定安縣畱心民瘼弊政一清居官十四年與民相安清晏無事民建生祠于邑東門內祀之

定安草志

張文豹湖廣麻城人康熙二十三年知定安縣詳

革陋規修

文廟創義學設義田修邑志卒于官邑人立祠祀之

瓊州府志

唐瑜河南人雍正十年知定安縣持身以廉愛民

以德待士以禮決獄以智瑜皆有之故邑人立碑

頌之

定安縣志

王光燮江南武進人進士博極羣書淹貫經史知

定安縣課督邑士不少恕乾隆庚午充同考官所

得士皆知名者

倪邦良福建晉江舉人知定安縣性廉敏有幹濟

才時值黎變親冒矢石地方恃以安謐以望誤去

輿論惜之

俱同上

張奇字嘉會蕪湖人順治六年以鄉貢知文昌縣
十一年正月徵糧城外遇城守楊殿臣構通海賊
韓昌時謀叛劫糧奪印不屈死之弟意次子仲景
僕張喬同時遇害

大清
一統志

沈彪字際思浙江歸安人康熙六年任文昌縣凡
里長徭役雜派不便於民者悉罷之民樂輸將十
年無逋負折獄平允案無畱牘

瓊州府志

邑寇韓超等

創亂彪身履行間指授方畧用民兵擒斬渠魁所
需兵糧犒賞俱出己俸毫不擾民爲政寬猛得宜
愛民重士去之日行李蕭然士民醵金餽之一無